

Broj:
Tuzla, 18.05.2011. godine

VLADA TUZLANSKOG KANTONA
n/r Premijera

PREDMET : Izveštaj o radu Ministarstva zdravstva u prvih sto dana Vlade
Tuzlanskog kantona

Mart

Programom rada Vlade Tuzlanskog kantona za 2011. godinu, u oblasti zdravstva utvrđen je kao prioritetan cilj u 2011. godini, i priprema zdravstvenog sistema za provođenje reforme iz oblasti porodične medicine u skladu sa zakonom i podzakonskim aktima, čijim ostvarenjem bi se obezbijedilo unapređenje kvaliteta, pristupačnost i ujednačenost korištenja primarne zdravstvene zaštite.

Ostvarenje ovog cilja podrazumijeva saradnju i djelovanje svih institucija zdravstvenog sistema kroz učešće u radu Stručnog tima Ministarstva zdravstva Tuzlanskog kantona, kao i realizaciju predloženih aktivnosti.

1.

Odlukom Ministra 21.03.2011. godine formiran je Stručni tima za analizu i praćenje reforme zdravstvenog sistema i usklađivanje organizacije primarne zdravstvene zaštite sa zakonskim odredbama u koji su uključeni predstavnici iz reda direktora domova zdravlja, ljekara porodične medicine, ginekologa, pedijatra, stomatologa, predstavnika Zavoda za javno zdravstvo, Zavoda zdravstvenog osiguranja, Ljekarske komore i Udruženja privatnika.

Zadatak je da se uradi analiza timova porodične medicine, a potom isti urede u skladu sa Zakonom i Naredbom.

Stručni tim je odmah počeo sa radom i u izvještajnom periodu uradio je ukupnu analizu postojećeg stanja u porodičnoj medicini, ginekologiji, pedijatriji i stomatologiji po lokaciji tima i broju registrovanih pacijenata u timu.

Stručni tim je na osnovu analize utvrdio prijedloge i aktivnosti za predstojeću registraciju osiguranih lica koja počinje 01.06.2011. godine.

Registracija će omogućiti ostarivanje prava osiguranih lica na slobodan izbor doktora, u skladu sa Pravilnikom o načinu ostvarivanja prava na slobodan izbor doktora medicine i doktora stomatologije primarne zdravstvene zaštite.

Ministarstvo vodi aktivnosti za objavljivanje javnog poziva za registraciju i vrši pripreme za kampanju.

2.

Odlukom Ministra 21.03.2011. godine. formiran je i Stručni tim Ministarstva zdravstva Tuzlanskog kantona, kao povremeno radno tijelo, za razrješavanje problematike statusa Neurološkog odjeljenja u JZU Opća bolnica Gračanica. Stručni tim jčine članovi iz reda osnivača, Direktora Opće bolnice, Direktora Zavoda za javno zdravstvo, Neurologa iz UKC Tuzla, Direktora Zavoda zdravstvenog osiguranja kao i Ministarstva zdravstva TK.

April

1.

Vođene su ativnosti na provođenju brzih mjera koje je preporučilo Federalno ministarstvo zdravstva koje će doprinijeti boljem funcionisanju i organizaciji sektora zdravstva u cjelini i koje će kao takve biti prepoznate od javnosti, pacijenata, zdravstvenih profesionalaca, zdravstvenih ustanova, privatnih praksi, komora iz oblasti zdravstva, zavoda zdravstvenog osiguranja, ali i tijela vlasti.

- Mjera 1. S ciljem osiguranja potrebne dostupnosti zdravstvene zaštite, specijalističko-konsultativna djelatnost iz opšte interne medicine, opšte hirurgije, neurologije, otorinolaringologije, oftalmologije, ortopedije, dermatologije i radiološke dijagnostike primarnog nivoa organizuje se tako da je korisnicima dostupna u općini njihovog prebivališta saglasno članu tački VII Odluke o utvrđivanju osnovnog paketa.
- Mjera 2. Proširiti listu usluga laboratorijske dijagnostike.
- Mjera 3. Olakšati pacijentima provođenje laboratorijske dijagnostike transportom uzoraka do najbliže laboratorije.
- Mjera 4. Revizija Federalne esencijalne liste lijekova, ujednačavanje pozitivnih listi lijekova Kantona sa revidiranom Federalnom listom i ujednačavanje cijena lijekova koje će biti bazirane na sistemu referalnih cijena.
- Mjera 5. Koronarografije bez ugrađenog stenta se prevode na kantonalni nivo i potrebno je obezbijediti sredstva.
- Mjera 6. Informatizacija sektora zdravstva Federacije BiH.

Mjere od 1. do 4. su realizovane kroz ugovore između zdravstvenih ustanova i Zavoda zdravstvenog osiguranja TK i za iste su obezbijeđena i sredstva u Finansijskom planu Zavoda zdravstvenog osiguranja TK za 2011. godinu. Mjere 5 i 6 realizovat će se u saradnji sa Federalnim ministarstvom u narednom periodu.

2.

Ministarstvo je pripremilo i dostavilo Vladi Izvještaj o radu Ministarstva zdravstva za 2010.godinu.

3.

Pripremljena je i dostavljena Vladi TK Informacija o obezbjeđenju rezerve krvi za potrebe liječenja građana Tuzlanskog kantona sa osvrtom na status dobrovoljnih davalaca krvi i mogućnosti obezbjeđenja krvi kao lijeka za 2010. godinu, sa prijedlogom mjera.

4.

Dostavljen je Vladi Izvještaj o izvršenju Finansijskog plana Zavoda zdravstvenog osiguranja TK za 2010.godinu.

5.

Izvještaj o poslovanju Zavoda za javno zdravstvo Tuzlanskog kantona za 2010. godinu

6.

Izveštaj o radu i poslovanju Javne zdravstvene ustanove Univerzitetski klinički centar Tuzla za period I-XII 2010. godine.

7.

Analiza zdravstvenog stanja stanovništva Tuzlanskog kantona i indikatori zdravlja u 2010.godini, sa prijedlogom mjera.

Maj

1.

Formiran je Stručni tim za analizu problematike propisivanja i izdavanja lijekova na recept iz obaveznog zdravstvenog osiguranja, što uključuje polipragmaziju, interakciju i nus efekte lijekova. Stručni tim će mjesečno pratiti potrošnju lijekova, vršit će uvid u kartone pacijenata, pratiti izdavanje recepata u apotekama, kao i registriranje recepata u Zavodu zdravstvenog osiguranja.

Farmakolog UKC-a i stručnjak sa Interne klinike će raditi edukaciju zdravstvenih radnika kao i građana vezano za polipragmaziju, interakciju i nuspojave. Otvorit će se e-mail adresa u Zavodu za farmakologiju UKC-a na koju će se obraćati zdravstveni radnici u slučaju problematike vezane za polipragmaziju.

2.

Po Zaključku Vlade Tuzlanskog kantona Ministarstvo je pripremlilo prijedlog Odluke o izmjenama i dopunama Odluke o utvrđivanju cijena lijekova sa Liste lijekova koji se propisuju i izdaju na teret sredstava Zavoda zdravstvenog osiguranja Tuzlanskog kantona.

3.

Donesena je Odluka o uslovima i načinu za propisivanje lijekova za hronične bolesti.

Odluka je donesena sa ciljem da se omogući racionalno i optimalno propisivanje terapije lijekova za određene hronične bolesti osiguranim licima za period od 90 dana. Odlukom su utvrđene vrste hroničnih bolesti i vrste lijekova koje se mogu propisati za period od 90 dana.

4.

Donesena su Rješenja za sve Javne zdravstvene ustanove domove zdravlja o odobravanju obavljanja zdravstvene djelatnosti radi usklađivanja sa odredbama Zakona o zdravstvenoj zaštiti.

MINISTAR

Prof.dr.med.sci. Nada Pavlović-Čalić